



27 JUN, 2020

Pasar Minggu Medan Niaga Satok, pasar tani beroperasi semula hari ini

Utusan Sarawak, Malaysia

Page 1 of 2

Pasar Minggu Medan Niaga Satok, pasar tani beroperasi semula hari ini

KUCHING: Pasar Minggu di Medan Niaga Satok di sini dan sembilan pasar tani lain yang dikelolakan oleh Lembaga Pemasaran Pertanian Persekutuan (FAMA) di seluruh Sarawak akan beroperasi semula mulai hari ini.

Pengarah FAMA Sarawak, Datuk Mat Sani Hassan berkata pihaknya mengambil keputusan membuka semula kawasan pasar berbumbung di Medan Niaga itu, susulan langkah kerajaan memberi kelonggaran untuk membenarkan pasar tani dan pasar minggu beroperasi dalam

tempoh Perintah Kawalan Pergerakan Pemulihan (PKPP).

Beliau berkata kawasan pasar minggu itu boleh dikunjungi orang ramai bermula 7.00 pagi sehingga 6.00 petang, namun mereka perlu melalui prosedur operasi standard (SOP) ketat termasuk menjalani pemeriksaan suhu badan, menggunakan pelitup muka dan cecair sanitasi tangan, serta direkodkan maklumat.

“Kita juga sudah buat persediaan seperti tapak berniaga dijarakkan satu atau

dua meter (di antara satu sama lain) dan meletakkan penghalang supaya pengunjung dan peniaga ada jarakan sosial,” katanya pada sidang media di Ibupejabat FAMA Sarawak di sini.

Katanya di Satok, hampir 80 peratus dari keseluruhannya 584 peniaga pasar minggu terbabit, sudah bersedia untuk kembali berniaga. Sementara itu Mat Sani berkata, sebelum pelaksanaan PKP, 36 pasar tani diadakan FAMA di Sarawak setiap Sabtu dan Ahad membabitkan seramai 1,185 peniaga. - Bernama



27 JUN, 2020

Pasar Minggu Medan Niaga Satok, pasar tani beroperasi semula hari ini

Utusan Sarawak, Malaysia

Page 2 of 2

SUMMARIES

KUCHING: Pasar Minggu di Medan Niaga Satok di sini dan sembilan pasar tani lain yang dikelolakan oleh Lembaga Pemasaran Pertanian Persekutuan (FAMA) di seluruh Sarawak akan beroperasi semula mulai hari ini. Pengarah FAMA Sarawak, Datuk Mat Sani Hassan berkata pihaknya mengambil keputusan membuka semula kawasan pasar berbumbung di Medan Niaga itu, susulan langkah kerajaan memberi kelonggaran untuk membenarkan pasar tani dan pasar minggu beroperasi dalam

tempoh Perintah Kawalan Pergerakan Pemulihan (PKPP).